



La bandiera da Phil Lofthouse ...



... da Valerie Lipscher.



... e da Markus Weggenmann. FOTOS MAD

La Ligia Grischa en parada gaglia

Ellas representan las 21 anteriuras vischnauncas giudizialas dalla Ligia Grischa che tonschan da Mustér entochen giudem il Mesauc. Las 21 bandieras sgulatschan dapresent agl ur dil Lag Grond. Artistas ed artists ha creau las bandieras e fatg ina nova experienza da presentar art el spazi public.

ANDREAS CADONAU/FMR

Senza dubi crodan ellas en egl alla biara glied che camina alla riva dil Lag Grond a Laax. Las fanas che paradeschan agl ur dil parcadi ein dapi l'entschatta uost empau otras che usitau. Buc il blau turistic cun il num da Laax sgulatschan el vent, mobein ina parada gaglia per exempel cun glimaia, ina bescla e bia auter. Mintga singula dallas 21 bandieras han artistas ed artists creau ed els han fatg quei el rom dallas festivitads da 600 onns Ligia Grischa.

La curatura dalla Cularta, *Yvonne Gienal*, ha envidau ina artista ed in artist da mintga anteriura vischnaunca giudiziala dalla Ligia Grischa da crear ina bandiera. Vischnauncas giudizialas che tonschan da Mustér entochen giudem il Mesauc. «Nus havein sentiù ina certa sceptica tier biaras artistas ed artists viers nosa idea.» La standarta posseda neu da sia historia buc ual ina buna reputaziun e vala per biars per antiquada. E dad esser stai sceptics, gie schizun fetg sceptics viers la bandiera tradeschan ils artists *Markus Weggenman* e *Phil Lofthouse* ch'ei malgrad la sceptica tuttina sedecidi da separicipar alla exposiziun.

bandiera ei staus per ella meins gronds. Pli gronds para il pass tier la bandiera staus per *Phil Lofthouse* che deriva dalla Engheltiara dil nord e che viva dapi 13 onns a Castrisch. El representa cun sia ovra l'antieriura vischnaunca giudiziala da Schluen ed el casti da Löwenberg ha *Phil Lofthouse* installau avon entgins onns siu atelier. «Ussa sun jeu fetg cun-

«Nus havein sentiù ina certa sceptica.»

Yvonne Gienal,
curatura Cularta

tents ed era in tec loschs dad esser part da quella exposiziun cheu el liber.» Per el ch'ei sedecidius sulet avon in per onns da puspei sefatschentar pli detschiert cun art eis ei impurtont da saver seprentar quel alla publicitad.



Fan biala parada las bandieras artisticas.



Ils artists en discurs: Phil Lofthouse, Valerie Lipscher e Markus Weggenmann. (da sen.).

FOTOS ANDREAS CADONAU

Porscher inspiraziun

Quei vala medemamein per l'artista *Valerie Lipscher* che ha medemamein creau ina dallas 21 bandieras alla riva dil Lag Grond. Ella habitescha bein a Turitg ed il marcau da Turitg ha definitivamein buc apparteniu all'antieriura Ligia Grischa. La bandiera ordvart colorada da Valerie Lipscher representa l'antieriura vischnaunca giudiziala da Tusaun. «Jeu hai passentau igl onn vargau ella residenza dalla Fundaziun Lilli Keller a Tusaun e quella dimora ha inspirau mei.» Valerie Lipscher ei bugen stada prompta da contribuir alla exposiziun. «Era per porscher alla regiun enzatgei da mia inspiraziun.»

L'artista ha era buca giu tons pregiudezis viers la bandiera sco tala. Ella sefatschenta denter auter cun textilias en sia lavur artistica, aschia ch'il pass tier la

Ina intressanta tribuna

Da sceptica vul era Markus Weggenmann buca pli tschintschar en connex cun las bandieras. El che viva gia dapi 40 onns a Cumbel ei bein pertschats che crear ina bandiera ei «diltuttafatg nunusitau». Il nunusitau carmala denton era l'aveina artistica aschia che sia moda da luvrar cun colurs e formar cun quellas ina cuntrada muntagnarda ha anflau alla riva dil Lag Grond ina intressanta tribuna.

La publicitad fa stem dallas bandieras e s'interesscha per las creadras ed ils creaders. Quei concedan ton Valerie Lipscher, Phil Lofthouse e Markus Weggenmann sco la curatura Yvonne Gienal. Ella sa tonscher alla interessenza in cudischet che porscha buca sulet informaziuns davart artistas ed artists, mobein entgins detagls dalla anteriura Ligia Grischa.

Mustér ha fatg fiasta

Mintga dus onns envida Mustér alla fiasta dil vitg. Ina festivatad che ha carmalau dabia hosps ed indigens la sonda vargada ella capitala dalla Cadi. La fiasta dil vitg ei denton stada sulet ina da pliras occurrenzas dalla fin dalla jamna.

ANDREAS CADONAU/FMR

La fiasta dil vitg ei il classicher dalla sentupadas da stad, era sch'ei vegn festivau a Mustér sulet mintga dus onns. Dabia stans cun ina purschida multifara, da beiber e da magliar en abundonza e se divertir cun mulscher ina vacca ni cavigliar haras. Ei ha dau enzatgei da sedivertir per pign e grond inclus divertiment musical da popular entochen rock. La glied ei vegnida en roschas alla fiasta situada denter casa da scola e casa da vegls e da tgira.

Sper la fiasta dil vitg han ins giu la sonda passada la pusseivladad da visitar in concert da musica classica el center da sport e cultura ed el medem liug da persequitar la sonda e dumengia ina concurrenza da speedcubing. Volver aschi spert sco pusseivel ils quadrels magics entochen tuts ein ella dretga posiziun. Fascinant cun tgei spertezia ch'els quadrels vegnan cavigliai ella dretga posiziun. E la

dumengia passada ein aunc sepurschida la pusseivladad da contemplar bials autos vegls alla tschunavla sentupada d'oldtimers en Surselva. Dabia visitadras e visitaders han nezegiau la pusseivladad d'admirar ils vehichels classic exponi la dumengia sil tetg ed ella casa da parcar dil resort Catrina a Mustér.

Folclora populara entochen musica da rock, la fiasta dil vitg da Mustér ha delectau dabia publicum.

FOTO ANDREAS CADONAU

